

本草類方卷之三

黃疸第二十七

脾勞黃病

鍼砂四兩醋炒七次乾漆燒存性二錢香附三錢平胃散五錢爲末蒸餅丸梧子大

任湯使下

○摘玄方

濕熱黃疸

燈草根四兩酒水各半入瓶內煮半日露一夜溫服○集玄方

女勞黃疸

日晡發熱惡寒小腹急大便溏黑額黑滑石石膏等分研末大麥汁服方寸匕日三

小便大利愈腹滿

者難治○千金方

女勞黃疸

黃家日晡發熱而反惡寒膀胱急少腹滿目盡黃額上黑足下熱因作黑疸其腹脹

如水狀大便必黑時溏此女勞之病非水也自大勞大熱交接後入水所致腹滿者

難治用礬石燒消石熬黃等分爲散以大麥粥汁和服方寸七日三服病從大小便

去小便黃大便黑是其候也。張仲景金匱方

婦人黃疸

經水不調房事觸犯所致白礬黃蠟各半兩陳橘皮三錢爲末化蠟丸梧子大每服

五十丸以滋血湯或調經湯下。濟陰方

穀疸勞疸

穀疸因食而得勞疸因勞而得用龍胆一兩苦參三兩爲末牛胆汁和丸梧子大先食以麥飲服五丸日三服不愈稍增勞疸加龍胆一兩卮子仁三七枚以猪胆和丸

○刪繁方

女勞黃疸

因大熱大勞交接後入水所致身目俱黃發熱惡寒小腹滿急小便難用膏髮煎治之猪膏半斤亂髮雞子大三枚和煎俟髮消藥成矣分再服病從小便中出也。肘

後方

五種黃疸

崔元亮海上方云凡黃有數種傷酒發黃誤食鼠糞亦作黃因勞發黃多痰涕目有赤脉益憔悴或面赤惡心者是也用秦芫一大兩剉作兩帖每帖用酒半升浸絞取汁空腹服或利便止就中飲酒人易治屢用得力○貞元廣利方治黃病內外皆黃小便赤心煩口乾者以秦芫三兩牛乳一大升煮取七合分溫再服此方出於許仁則又孫真人方加芒硝六錢

濕熱黃疸

柴胡一兩甘草三錢半作一劑以水一盃白茅根一握煎至七分任意時時服盡○

孫尚藥

秘寶方

婦人血黃

黃茄子竹刀切陰乾爲末每服二錢溫酒調下○摘玄方

穀疸食勞

頭旋心怫鬱不安而發黃由失飢太食胃氣冲薰所致苦參二兩龍胆一合爲末牛

胆丸梧子大生大麥苗汁服五九日三服。肘後方

酒疸黃疾

心下懊痛足脛滿小便黃飲酒發赤黑黃斑由大醉當風入水所致黃耆二兩木蘭

一兩爲末酒服方寸匕日三服。肘後方

黃疸腫疾

黎蘆灰中炮爲末水服半錢匕小吐不過數服效

五種黃病

黃疸穀疸酒疸女疸勞疸也黃汗者乃大汗出入水所致身體微腫汗出如黃蘗汁

用生茅根一把細切以猪肉一斤合作羹食。肘後方

白黃色枯

舌縮恍惚若語亂者死當歸白朮二兩水煎入生茱汁蜜和服。三十六黃方

血證黃腫

綠礬四兩百草霜一升炒麴半升爲末沙糖和丸梧子大每服三四十九食後薑湯

下鄭時舉所傳○又方小麥淘淨一斤皂
礬半斤同炒黃爲末黑棗肉半斤搗勻米

醋打糊丸梧子大每薑湯下
八九十九丸日三服○簡便方

急黃黃疸

及內黃腹結不通用蔓菁子擣末水絞汁
服當得噎鼻中出黃水及下利則愈以子

壓油每服一盞更佳

○陳藏器本草拾遺

熱黃便結

用蕪菁子搗末水和絞汁服少頃當瀉一
切惡物沙石草髮並出○孟詵食療本草

濕熱發黃

生薑時時周身擦之其黃自退也
一方加茵陳蒿尤妙○傷寒捷法

脾病黃腫

青礬四兩煨成赤珠子當歸四兩酒醪浸
七日焙百草霜三兩爲末以浸藥酒打糊

丸梧子大每服五丸至七丸溫水下一月
後黃去立效此方祖傳七世○又方綠礬

四兩百草霜五倍子各一兩木香一錢爲
末酒煎飛麴丸如梧子大每空心酒下五

丸。又方平胃散青礬二兩為末醋糊丸米飲下或加烏沉湯四兩酒糊亦可。○潔

古活法
機要

黃疸疾

漆草一把搗汁和酒服不過三五次即愈。○摘玄方

酒黃水腫

黃腫積痛青礬半斤醋一大盞和勻瓦盆內煨乾為度平胃散烏藥順氣散各半兩為末醋煮糊丸梧子大每酒或姜湯下三十丸不思口加鍋灰。○趙原楊真人濟

急方

黃疸如金

睛黃小便赤用生蔓菁子末熟水服方寸匕日三服。○孫真人食忌

食勞黃病

身目俱黃青礬鍋內安炭煨赤米醋拌為末棗肉和丸梧子大每服二三十丸食後薑湯下。○救急方

遍身黃疸

茵陳蒿一把同生薑一塊搗爛于胸前四肢日日擦之

黃疸內熱

地丁末酒服三錢。乾坤秘韞

熱黃疸疾

扁竹搗汁頓服一升多年者日再服之。藥性論

急黃病

苦瓠一枚開孔以水煮之攪收汁滴入鼻中去黃水。陳藏器

男子酒疸

用茵陳蒿四根卮子七個大日螺一個連殼擣爛以百沸白酒一大盞沖汁飲之秘

茵陳羹

除大熱黃疸傷寒頭痛風熱瘴瘧利小便以茵陳細切煮羹食之生食亦宜。食醫

心鏡

五般急黃

山豆根末水服二錢若帶蠱氣以酒下

酒疸尿黃

發黃心懊痛足脛滿荒花椒目等分燒末水服半錢日二服○肘後

火黃身熱

午後却涼身有赤點或黑點者不可治宜烙手足心背心百會下臍內腧紫草湯紫

草吳藍一兩木香黃連一兩水煎服○三十六黃方

黑黃急病

黑黃面黑黃身如土色不妨食脉沉若青脉入口者死宜烙口中黑脉耳會玉泉章

門心俞用生鬼日搗汁一小盞服乾者爲末水服○三十六黃方

傷寒黃疸

表熱者麻黃醇酒湯主之麻黃一把去節綿裹美酒五升煮取半升頓服取小汗春

月用水煮○千金方

黃疸喘滿

小便自利不可除熱半夏生薑各半斤水七升煮一升五合分再服有人氣結而死

心下暖以此少許入中遂活○張仲景方

酒疸脾黃

木鱉子磨醋服一二盞見利效。劉長春濟急方

黃疸如金

薏苡根煎湯頻服

黑疸危疾

瓜蒌根一斤搗汁六合頓服隨有黃水從小便出如不出再服。楊起簡便方

酒黃疸疾

眼黃脾熱用青瓜蒌焙研每服一錢水半盞煎卧時服五更瀉下黃物立可名逐黃

散。普濟方

黃疸變黑

醫所不能治用土瓜根汁平旦溫服一小升午刻黃水當從小便出不出再服

癰黃疸疾

或黃汗染衣涕唾皆黃用好黃蒸二升每夜以水二升浸微暖於銅器中平旦絞汁

半升極效。必效方

腎黃如金

萵苣子一合細研水一盞煎五分服。外臺秘要

食積黃疸

絲瓜連子燒存性爲末每服二錢因麪得病麪湯下因酒得病溫酒下連進數服愈

○衛生易簡方

黃汗染衣

涕唾皆黃用蔓菁子搗末平旦以井華水服一匙日再服加至兩匙以知爲度每夜以帛浸小便逐日看之漸白則瘥不過服五升已來也○外臺秘要

黃疸腫滿

苦壺盧瓢如大棗許以童子小便二合浸之一時取兩酸棗大納兩鼻中深吸氣待黃水出良○又方用瓠瓢熬黃爲末每服半錢日一服十日愈然有吐者當詳之○

傷寒

類要

脾勞黃疸

如聖丸用草血竭羊羶草桔梗蒼朮各一兩甘草五錢爲末先以陳醋二盃入鍋下皂礬四兩煎熬良久下藥末再入白麪不拘多少和成一塊丸如小豆大每服三五

酉酉諸宜

十丸空腹醋湯下一日二服數日面色復舊也。乾坤秘韞

遍身如金

瓜蒂四十九枚丁香四十九枚坩鍋內燒存性為末每用一字吹鼻取出黃水亦可

揩牙追涎

○經驗方

酒疸發斑

赤黑黃色心下懊痛足脛腫滿小便黃由大醉當風入水所致用木蘭皮一兩黃芪

二兩為末酒服方寸

七日三服。肘後方

急黃喘息

心上堅硬欲得水喫者瓜蒂二小合赤小豆一合研末暖漿水五合服方寸七一炊

久當吐不吐再服吹鼻

取水亦可。傷寒類要

熱病發黃

瓜蒂為末以大豆許吹鼻中輕則半日重則一日流取黃水乃愈。千金翼

黃疸癰黃

並取瓜蒂赤小豆丁香各七枚為末吹豆許入鼻少時黃水流隔日一用瘥乃止

食氣黃腫

○孟詵食療

食氣黃腫

氣喘胸滿用不蛙皂莢去皮子醋塗炙焦為末一錢巴豆七枚去油膜以淡醋研好

墨和丸麻子大每服三九食後陳橘皮湯下日三服隔二日增一丸以愈為度。經

驗方

時行發黃

竹葉五升切小麥七升石膏三兩水一斗半煮取七升細服盡劑愈。肘後方

房勞黃病

體重不眠眼赤如珠心下塊起若瘦十死一生宜烙舌下炙心俞關元二七狀以婦

人內衣燒灰酒服二錢。三十六黃方

黃疸初起

柳枝煮濃汁半升頓服。外臺秘要

酒疸諸疸

好酒內用布帛濾過將汁飲之日三服自

效○
壽域

黃疸吐血

病後身面俱黃吐血成盆諸藥不效用螺
十個水漂去泥搗爛露一夜五更取清服

二三次血止即愈一人病此
用之經驗○小山怪證方

濕熱黃疸

蟹燒存性研末酒糊丸如梧桐子大每
服五十丸白湯下日服二次○集簡方

三十六黃

急救方用鷄子一顆連殼燒灰研酢一合
和之溫服鼻中蟲出為效身體極黃者不

過三枚神效
○外臺秘要

穀疸食黃

用牛胆汁一枚苦參三兩龍胆草一兩為
末和少蜜丸梧子大每姜湯下五十丸

黃疸困篤

用半斤大雄鷄背上破開不去毛帶熱血
合患胸前冷則換之日換數鷄拔去積毒
即愈此鷄有毒人不可食犬
亦不食也○唐瑤經驗方

濕熱黃病

黃牛糞日乾爲末麪糊丸梧子大每食前白湯下七十九。簡便方

五種疸疾

黃疸穀疸酒疸黑疸女勞疸黃汗如黃蘗汁用豬脂一斤溫熱服日三當利乃愈。

肘後方

走精黃病

面目俱黃多睡舌紫甚面裂若瓜甲黑者死用豉半兩牛脂一兩煎過綿裹烙舌去

黑皮一重濃煎豉湯飲之。三十六黃方

酒積黃腫

五靈脂末一兩麝香少許飯丸小豆大每米飲下一丸。普濟方

面目黃疸

雞矢白小豆秫米各二分爲末分作三服水下當有黃汁出也。肘後方

黃疸酒疸

小螺螯養去泥土日日煮食飲汁有效。永類

黃疸尿赤

亂髮灰水服一錢日三次秘方也。肘後

女勞黃疸

氣短聲沉用女人月經和血衣燒灰酒服
方寸七一日再服三日瘥○孟詵必效方

本草類方卷之三

脚氣第二十八

寒濕脚氣

磚燒紅以陳臭米泔水淬之乘熱布包三塊用膝夾住綿被覆之三五次愈。扶壽

脚腿紅腫

熱如火炙俗云赤遊風用鐵鏽水塗解之。惠濟方

脚氣衝心

白礬三兩水一斗五升煎沸浸洗。千金方

風氣脚弱

孔公孽二升石斛五兩酒二斗浸服。肘後方

脚氣腫痛

白芷芥子等分爲末姜汁和塗之效。醫方摘要

脚氣痛楚

無名異末化牛皮膠調塗之頻換。衛生易簡方

遠行足趼

水調半夏末塗之一宿卽沒也。集簡方

本草類方

脚氣